

痧

脹

玉

衡

書

痧脹玉衡書卷

橋李郭志遠右陶著

偏身腫脹痧

痧者暑熱時疫惡毒之氣。攻於裏則爲痰喘。爲血瘀。昏迷沉重。不省人事。若元氣壯實。內不受邪。不入於裏。卽散其毒於肌膚。血肉之表。爲腫爲脹。若誤飲熱湯熱酒。便成大害。此痧之暗者。宜從脈異處辨之。

治驗

一翰黃聞兄一婢久生瘡患。腹大如臍。手足俱腫。

延余診之。左脉微數。右脉或時微指。余思瘡毒入內。作腫作脹。其脉必然洪數有力。方見脉症相對。乃可治其瘡毒。今左脉微數。右脉微指。脉症不合。必慢痧爲患也。視其腿灣。果有痧筋青色。刺五針。紫黑毒血流之。如注。未愈。又刺指頭毒血二十針。用寶花散。併付桃仁紅花湯八服。服後腫脹俱消。如舊。

一。翰黃聞見長女。手足俱腫。將達於腹。延余診之。六脉弦細沉遲。知其爲慢痧之變症也。云宜先放。

其痧緣畏刺不放。余辭不用藥。恐藥氣稍冷。不能治。及於血肉之分也。越六日。腫脹益甚。復延余治。令其僕婦爲主女放痧三十餘針。紫黑毒血已出。用寶花散稍冷服之。併用散痧解毒消痰順氣之劑治之。以其痧久綿延。難於速效。計服二十四劑。方得腫脹俱消。安平如舊。

一賈峰青徧身腫脹。服藥不應。延余治之。余見心口將平臍有青筋。余曰危哉。診脈無根。殆不可療。然觀其指上腿灣青筋交現。刺出毒血甚多。彼又

謂痧症不當服藥遂已。後至二月餘終成真臟而  
歿。惜哉。

一余隣許姓者。有子四歲。頭面胸腹。手足徧身。俱  
腫脹紅色。頭汗如珠不絕。求余診視。兩關兩尺皆  
洪大滑實。兩寸脈厥動搖。此傷食之痧。感於脾經。  
故徧身肌肉腫脹。及看其痧筋不現。刮痧不起。此  
因誤飲熱湯。痧氣內攻。壅塞衝心。故徧身作腫。作  
脹。惟衝心心臟不受其害。故上干頭面。化而爲汗。  
出之如珠。皆心液。用紫朴湯加大黃九微。冷飲。

之脹消汗止而愈

悶痧

痧毒衝心發暈悶地。一似中暑中風。人不知覺。即時而斃。此痧之急者。如略有甦醒。扶起放痧不愈。審脈服藥施治。如發暈不醒。扶之不能起。必須審脈辨症。的確果係何因。先用藥蠱劑灌醒。然後扶起放痧。漸爲調治。

治驗

一汪君美內室。六月間發暈昏迷。延余診之。兩寸

花而散。餘脉如常。但重按之時。見椹指。此暑熱穢  
氣觸犯心經之痧也。扶之不起。先用寶花散。薄荷  
湯。併藿香湯。冷服。稍醒。扶起。刺出毒血。三針不愈。  
用沉香阿魏丸。薄荷湯。微冷飲之。漸安。後用四物  
湯。調壅而愈。

落弓痧

倏忽昏迷不醒。或痰喘不已。眼目上吊。形如小兒落  
弓之症。此暗痧難識。必須審脉辨症。的是痧毒。看其  
身體涼熱。唇舌潤燥。何如。然後治之。

治驗

一盛洪烈子。九月間發熱。口渴。昏悶不醒。兩目上翻。延余診視。六脈微細而伏。先用寶花散。加砂仁湯。冷下而甦。扶起。放痧十二針。去紫黑毒血。用救苦丹。併細辛。大黃丸。加砂仁湯。稍冷下。又用防風散。痧湯。加金銀花。丹參。山查。荀子。而痊。

一陳公主。八月間。時常身熱。口中微渴。煎滾茶飲之。倏然沉重。昏迷不醒。余診之。左尺沉細。動止不一。右寸脈浮而芤。此腎虛而痧犯之。腎水之痧。逆



行干母肺金故痰氣壅盛而發暈也。用獨活紅花湯入貝母牛膝同煎。加童便飲之。更進圓紅散而醒。然後扶起。放痧二日後。痧氣清。用補中益氣湯。六味地黃丸調理而痊。

噤口痧

默默不語。語亦無聲。形如啞子。此乃痧氣壅盛。熱痰上升。阻逆氣管。故咽喉閉塞而然。治宜先放其痧。審其肺腎脾三經之脈。爲要。然後推詳餘經之脈。則知病之所本矣。

治驗

一吳子瑞一女。十一月間忽然痧脹。心中煩悶。昏沉不語。子瑞善放痧。稍醒。語更終日無聲。余診之。左關有力。右脉沉伏。傷氣之痧也。此女目爲後母所詈。故有此變。用陳香圓一隻煎湯微冷飲之。稍有聲焉。未愈。次日左脉弦長而動。余曰。怒氣傷肝。痧氣猶阻於肝經之故。刺腿灣紫筋三針。血流如注。又刺頂心臂指二十餘針。乃用三香散。陳皮厚朴湯。加延胡索香附微溫飲之。乃痊。

角弓痧

心胸脹極。痧毒內攻。故頭項向上。形如角弓反張。是臟腑已壞。死症也。不可以治。

撲鴉痧

痰涎壅盛。氣急發喘。喉聲如鋸。痛若喉鴉。但喉鴉之症。喉內腫脹。若痧。則有如喉鴉之病。而無喉鴉之腫脹。又形若急喉風。但喉風之症。痛而不移。若痧。則痛無一定。且痧有痧筋。喉鴉無痧筋。此可辨也。

治驗

一施襲先痰氣壅盛吹弔痰藥益凶暴痛極余診之脉多怪異此三焦命門之痧也。悶臂指筋刺十。一針腿灣青筋刺三針出紫黑毒血甚多不愈用沉香鬱金散救苦丹清茶冷飲之外吹冰硼散又用荆芥銀花湯微冷飲之三劑而痊。一周龍生喉痛之極痰涎壅盛延余余曰痧也不信飲熱湯至夕而殂。

傷風咳嗽痧

痧從時氣所感因而咳嗽肺經受傷不可以傷風治

之。蓋傷風以疏風爲主。若痧則純乎疏風。非其所宜。當刮痧爲先。宜清喉順氣。涼肺散痧爲主。若專重疏風。縱非緊痧急症。亦必咳嗽日甚。纏綿不已。勞嗽等症。由此而成。慎之慎之。

### 治驗

一徐茂公傷風咳嗽日晡微寒發熱。余診之。右寸脈浮而芤。餘脈虛而無力。時氣所感。肺經之痧也。其弟爲之放痧。刮痧稍可。不服藥。至十餘日。咳嗽不止。余用射干兜苓湯。加前胡。山豆根。稍冷飲之。

漸愈

痘前痧脹

痘本先天。因時而發。必由外感。至如痧者。亦時疫之氣所感。作脹作痛。而胎元之毒。因之俱發。凡痘未見熱之前。痧脹必心胸煩悶。痰涎壅塞。甚至昏迷沉重。不省人事。此其候也。其小兒滑疾之脈。類於痧症。厥厥動搖之脈。雖若疑似難明。然痧有痧筋可辨。宜先刺出毒血。而後用藥清理之。則痧自退。痘自起矣。若痘點既形。觸穢痘隱者。諸痘科自悉不贅。

治驗

一夏子亮幼子五月發熱。痰喘氣急。四肢戰動。兩目無神。不省人事。口熱如燼。面有隱隱紅紫細點。延余看痘。閱其腿灣。有紫筋兩條。余曰。兩目無神。四肢戰動。痘之候也。隱隱微點。痘之形也。口熱如燼。紅紫之色。熱之盛也。但是痰喘氣急。有腿灣紫筋兩條。必痘因痧脹而發。治宜先放其痧。後發其痘。則痘自起。用針刺出毒血。隨用荆芥連翹防風紅花青皮桔梗枳殼山查藹子一劑。俟稍冷飲之。

其痘卽發至十二朝乃痊。

痘後痧脹

痘後中氣多虛有感必傷尤宜防護。嘗有小兒痘後收靨脫痂安然無事。一遇暑熱所侵。或穢惡所觸。卽成痧脹。往往有忽然生變人多認爲惡痘所致。卽痘科任事者亦以爲然。竟不知其痧之爲害有如斯也。

治驗

一胡丹宸子七歲。八月出痘脫痂光潔。飲食如常。行步如舊。迨二十五朝忽然叫喊不已。發暈欲死。



皆以爲惡痘餘毒使然。求余治之。左右手六部俱微細而伏。余思惡痘餘毒兆變。脉當沉緊有力。今微細而伏。若此。脉症不合。視其痧筋。歷歷可指。刺出紫黑毒血。不愈。用荆芥銀花湯。合和脾宣化飲。稍冷飲之。卽甦。後小腹痛。變爲痢疾。用當歸五錢。山查一錢。熟大黃五分。加童便微溫飲之。稍安後。獨用當歸山查四劑而痊。

一張可久。女十五歲。痘後三十二朝。忽然發暈。沉重。不能轉側。延余診治。右脉微細。左脉洪大。時一

歌指視其指頭黑色青筋歷歷刺出毒血不愈用  
降香桃花散合枳實大黃湯稍冷飲之不愈用三  
香丸微溫服而痊後傷食爲穢氣所觸腹痛刮痧  
服稜木湯加明礬二分微冷飲之而安

胎前產後痧

孕婦之痧最易傷胎產後之痧須防惡阻較之平人  
更甚當急爲救療庶於痧毒未攻壞臟腑之時可以  
施治若屬暗痧發於此時胎前痧脈濶於有孕產後  
痧脈雜於惡阻又無心腹痛據痧從暗發須當究其

症候察其聲色看有痧筋急宜刺破肌膚痧擁尤重油鹽至若痧毒橫行肆攻臟腑莫可挽回慎毋草草以誤人也。

### 治驗

一趙方亨內室懷娠六月寒熱交作煩悶不安延余時痧在始發脈固未現初不覺其爲痧用藥不應忽爾昏沉次日余診左手脈伏面目微黑乃識其痧刺腿灣青筋六針出毒血少愈用桑寄生紅花香附益母草荆芥細辛菖子神麴冲砂仁末微

冷服而安。後用小柴胡湯退熱。又參苓歸地健脾養血乃痊。

胎前痧痛論

胎前痧痛毒氣攻胎。尚懼胎孕絞動。傷胎殞命。況痧有毒。血攻衝胎。孕嬌嫩。決難安靜。至如安胎用白朮。當歸茯苓之類。痧所大禁。若一誤用。立時痧脹凶危。其痧脹所宜。惟是破血破氣之劑。又胎孕所忌。愚特斟酌其間。若刮痧放痧不愈。必欲活血解毒。用金銀花丹參益母草紅花桑寄生消瘀而不損胎元。順氣。

用香附陳皮紫朴砂仁烏藥行氣而不傷胎氣散痧  
用荆芥防風獨活細辛透竅而不動胎孕消食積用  
山查葡萄子神麩麥芽寬中而不伐胎性採擇於中  
最爲穩當。然痧毒勢盛此等之藥難於速效。或權用一  
二味克伐。又恐於胎有害。此予所以反復而不敢輕  
任也。

產後痧痛論

產後用藥。必須溫煖。痧脹用藥。惟重清涼。此症屬相  
反。處治之方。毋執產後一於溫煖。亦毋執痧脹一於

清涼也。愚嘗遇此等症，竊以爲消瘀破血之藥，雖同。其餘有不可通用者，是以製就一方，爲臨症之法。散痧用獨活、細辛、破血、用桃仁、紅花、順氣、用香附、烏藥、陳皮、解毒、用金銀花、紫花地、可消食、用山楂、蔔子、神麩、麥芽。如產後利用薑、灰、肉、桂，以溫血。痧症所大禁。痧症利用荆芥、防風，以散痧。連翹、薄荷，以清熱。產後所不宜。況痧症脹極，尤重大黃、枳實、檳榔，以通其積。滯而產後之藥，更不可不禁。恐用此傷產後之氣分也。且產婦服藥宜溫，痧症服藥宜冷。若痧而用溫脹。

者益脹。產而用冷。瘀者益瘀。故予臨症。惟取微溫之氣。則既無害產後。而亦無助痧禍。若痧更凶極。微溫之氣。難於制治。加童便以清熱消瘀。產後痧症。俱得其宜矣。

治驗

一顧月溪內室。產後三日。腹中絞痛。脹大如毳。惡露不通。延余診之。余思產婦腹痛。當在小腹。大腹脹痛。亦僅微疼。今產婦大腹絞痛異常。非產婦本症。及按脈洪數有力。余曰。此產後兼痧脹也。當取

痧筋驗之。不信。漫服。後藥益覺昏迷不醒。復求  
余治。勢已危極。痧筋不現。先取童便一杯飲之。少  
甦。閤十指筋。刺出紫黑毒血二十一針。然後扶起。  
放腿灣。痧六針。絞痛稍定。用獨活紅花湯微溫服。  
之。迨痧毒消盡。脹痛盡止。惡露俱通。後調補乃痊。  
一蔣南軒內室。產後八日。惡露去血過多。忽惡寒  
發熱。胸中脹悶。垂危。延余。脈洪大無倫。余思惡露  
不盡。猶可。今惡露去盡。何以驟得此脈。因語之曰。  
脈甚凶。若兼痧可救。南軒善放痧。信余言。入視痧。



筋紫紅色者二條。放毒血。余復診之不復洪大。又刺指臂出紫黑毒血三十餘針。用獨活細辛柴胡金銀花丹參益母草牛膝石斛烏藥山查陳皮四劑。微溫服之。寒熱脹悶俱除。後調補而愈。

一單公廉內室。產後六日。遍體疼痛。寒熱如瘧。昏悶異常。延余。六脈時有欲指。闕左中指。右無名指。微帶黑色。乃知兼痧之症。刺指上紫黑毒血七針。臂上毒血一針。舌底下紫黑毒血一針。昏悶疼痛稍緩。用獨活桃仁蘇木香附童便薑黃山查微溫。

服二劑。痛昏悶俱除。但寒熱未已。用金銀花丹  
參益母草艾柴胡獨活薑炙牛膝山查海服四劑。  
寒熱乃瘳。謂前月餘而健。

倒經亦

經行之際。適遇痧發。經阻逆行。或鼻紅。或吐紅。肚腹  
腫脹。臥牀不能轉側者是也。肚腹不痛。亦爲暗痧。若  
痧毒攻壞臟腑者不治。

治驗

一沈弘先內人。經期發熱。鼻血如注。昏迷沉重。肚

腹作脹。延余診之。脈伏。余曰。兼痧而經逆者也。弘  
先善放痧。刺腿灣二針。出紫黑毒血。不愈。余用桃  
仁紅花。獨活細辛。山查香附青皮。加童便飲之。經  
行調理而愈。

痧熱

頭汗痧狂讖語附

痧氣壅盛。發為熱症。或熱而不涼。或日晡發熱。或潮  
熱往來。皆痧毒之氣阻而不通。搏激肌表。發而為熱。  
不識者。認為外感。傳經熱症。發汗溫飲。卽慢痧遲緩。  
勢必痧氣益盛。變出頭汗發狂種種重症。不知外感

之脉浮數而緊。熱症之脉洪數有力。痧症之脉終有不同。或有可疑。須看痧筋有無。辨之即明。

治驗

一沈懷先夏月日晚發熱五日不涼。諸藥不效。反益昏悶煩躁。余診之。右三部及左關俱微細無力。余見其病氣有餘。脉反若不足。知非真不足。乃痧脉之變者也。先令刮背上痧。又於十指臂灣刺出紫黑毒血三十餘針。不愈。用冷茶送寶花散二服。又以陳皮厚朴湯主之。倍加玄胡索香附煎湯。稍

冷服四劑而瘥。

一邵洪玉內室。日晡發熱。頭汗如雨。延余。六脉震動不常。故知其痧。刺出十指紫黑毒血二十針。不愈。煎紫朴湯稍冷服三劑。痧氣已盡。用大黃三錢。枳實陳皮厚朴各一錢。煎湯溫飲。下其結。發熱退。身涼後。用補中益氣湯。夕用六味地黃丸。調理而瘥。

一蔣元。夏月潮熱往來。已六日矣。服他藥。熱極不涼。發。識語。延余。左脉俱微。右脉俱洪大。非痧。

脉不若是之異也。視其乳下青筋二條刺出紫黑毒血不愈。用桃仁澤蘭等分煎湯平服。神情始定。日漸調理半月而痊。

### 痧煩痧腫

痧氣衝於心胸。故心煩或嗜睡。此等之痧。俱屬慢痧之類。輕而且淺。人多誤以心煩嗜睡治之。且甚一日。倘日服熱酒熱湯熱物。雖非驟然緊急。勢必日漸凶險。故併錄之以示戒。

### 治驗

一王培元適會於其弟宋臣書室云及心煩之甚已非一日將服他藥余診之脉症不合止而不服閱腿灣痧筋刺而放之不藥而痊此等痧甚多姑記一以爲例。

一余弟驥武每心煩嗜睡自識其痧便欲刮放不藥而痊此由中氣虛故易感痧患雖輕之至不足具述然亦痧之一症也姑錄之以廣其說。

老弱兼痧

先有痰火咳嗽之疾忽爾喘急痰

喉聲如鋸或頭

汗如油喘而不休。心胸煩悶。莫可名狀。雖云痰火危篤。往往有之。然亦有兼感時氣。或穢氣所觸。驟然勢盛者。凡治必宜細細察脈按症。先清其痧。次治其痰。然後漸補氣血。則標本兼得其理矣。

### 治驗

一汪子建母。七旬有餘。素犯痰火老弱之症。忽痰涎壅盛。喘急不休。喉聲如鋸。延余診視。六脈不勻。有如雀啄。雖老弱痰火之脈。嘗有歇指。亦不足怪。然視其驟然作變。病必有異。余曰。此兼痧症。尚可



治也。閱其左腿灣下有青筋二條刺之。紫黑血流。如注。先用散痧消食豁痰順氣之劑。併進牛黃抱龍丸。病勢漸安。後惟補其氣血。乃痊。

一盛君和母五十歲。痰火多年。忽面赤頭汗。遍身俱腫。喘急煩悶。倍常。延余診視。余思老年痰火。固所宜。然何面赤頭汗。徧身俱腫之驟也。及按其脉。又與症相合。不可據以爲痧。然惡之爲禍不小。若竟以老弱痰火治之。終覺疑。安細視其十指。有細紅絲筋。歷歷可驗。則其之爲老弱變症。

也明矣。先治其痧。刺指頭二十餘針。去其毒血。次用稍冷湯服寶花散。面赤頭汗身腫俱除。喘急亦漸和緩。唯是老弱痰火爲終身之疾。

瘡症兼痧

瘡痛者。心火血熱所致。故火盛而膿腫作痛。然膿瘡雖痛。必漸漸而極。非若兼痧之驟。故凡瘡瘍兼痧。其腫痛必多可畏處。況瘡瘍脉多洪數。兼痧脉固不同。其筋色又有可驗也。

治驗

一潘子亮女十八歲患瘡已半載忽一日飲酒後  
膿瘡大盛。或以其酒助血熱。且食鷄鵝發毒之味。  
膿瘡腫痛。由斯而極。治以涼血活血解毒托裏之  
劑。更覺昏迷飽悶。延余治之。脉不洪數而反沉微。  
余曰。脉不對症。必痧使然。刺出指頭毒血。又刺頭  
頂心一針。神情方始清爽。但胸中飽悶。用順氣散  
痧消毒之味。四劑微冷飲之。兼外搽合掌丸。飽悶  
膿瘡俱愈。

弱症兼痧

先有勞弱不足之症。或吐血時發。或微微乾嗽。兩顴唇口鮮紅。或骨蒸發熱不已。一觸犯時氣傳染。或穢惡之氣相犯。必兼痧脹。或多痰喘。或咽喉如鯁。或心腹脹悶。煩躁發熱。較之平時不足之症。益覺沉重。此宜以痧爲主治之。令痧毒退盡。方可治其本症。不然勞弱未見凶危。痧禍已在目前矣。

治驗

一婦人吐血乾嗽。晝涼夜熱。已久。忽午後發熱異。常脹悶沉重。他醫以爲怒氣血虛。用養血化痰順

氣之劑。病勢益盛。昏迷痰喘。不省人事。延余。左關微緩無力。右關似緊非緊。餘脈應指不勻。余思怒氣填胸。左關必須有力。平時勞弱。脈亦自宜弦數。內有鬱血。上中二部亦當見芤。何脈不對症。若是。看其左腿灣。有紫筋數條。歷歷可指。其爲兼症之症明矣。故昏迷痰喘。先刺其痧筋。出其毒血。倍用寶花散。清茶微冷飲之。方得神情清爽。不復痰喘。昏迷脹悶沉重之勢。但勞弱由於本原不足。綿延未愈。

痧變勞瘵

痧症有惡飲熱湯者。有反喜飲熱湯者。惟其喜飲熱湯。痧症益莫能識。慢痧所以變成勞瘵也。原其痧毒之始。入於氣分。令人喘嗽吐痰發熱聲啞。蓋火毒傷肺。肺爲嬌臟。若不知治。變成百日緊勞。輕者數年難愈。卒至危亾。痧毒之始入於血分。重者毛髮在卽。輕者歲月延捱。若乃毒瘵胃口。必須去盡而愈。毒瘵肝經損壞。內潰吐血。數發勢極多危。毒瘵心胞絡。更加凶險。不待時日。毒瘵腎經。腰脊疼痛。嗽痰咯血。日甚。

一日不可得痊。凡痧毒遺患。總成勞瘵。治須識之於始。凡臟腑之病。俱可療治。莫咎其終。若一潰損臟腑。便屬不治。

治驗

一王君瑞內室。咳嗽吐痰發熱。左背疼痛。已年餘矣。延余診之。六脈浮緊洪數。脈症不合。又無痧筋。但用刮痧痛減。服散痧清熱消痰順氣四劑而愈。一楊音節痧脹。不服藥。惟放痧三次。胃腕間成一大塊。咳嗽吐痰發熱不食。日漸尪瘦。延余診之。右關脈扎而緊。餘脈俱數。余曰。內有瘀血。必吐出而

可解。用桃仁、蘇木、澤蘭、白蔘、藜香、附烏藥、酒煎服之。吐紫黑血碗許，更用活血引下之劑，加童便，瀉服之而愈。

一左元峰痧脹，放痧三次，不服藥，痧根不絕，變成勞瘵，咳嗽咯血，音啞發喘，骨瘦如柴，脉洪大無倫，余辭不治，又二月而終。

### 噎脹兼痧

先有噎脹，而痧氣乘之，噎脹益甚，在噎脹不可先醫在痧氣，自宜早治。



治驗

一江雲甫肚腹脹急如臛。臍突筋青。心口將平。余診之。知爲血臛之症。其指頭黑色。此臛症之所無也。視指上有青筋。兼痧無疑。刺二十餘針。又刺臂灣。腿灣。青筋五針。俱去其毒血。略鬆用蒺藜散微溫飲之。臍下青筋漸退。後以臛症之藥。導去惡水。日服治臛香圓丸。二月餘。臛症盡平。永不復發。

痧變臛脹

痧者毒也。慢痧之毒。遷延時日。留滯肌膚。腸胃血肉。

之中若不早治卽成真厥

治驗

一嚴天玉次子。氣急作脹。胸腹飽悶。臍下有青筋突起。心口將平。此慢痧成嘔也。刺腿灣青筋六針。出紫黑毒血甚多。又刺指頭出毒血二十四針。臍上青筋卽淡色。腹內覺鬆。用寶花散微冷服。腹脹漸消。其後不復用藥。施治。但恐其根未除。日後復發。姑誌之以例其餘。

半身不遂痧

心主血。痧毒入於血分。故易攻心。此痧症所以發昏也。若痧之慢者。衝激遲緩。未逆於心。留滯經絡。或在於右。或在於左。爲半身疼痛。或麻痺不仁。如此半身遂總因痧毒之遺害也。治之者。見有痧筋。急宜刺破。然後用藥以散其毒。活血以消其瘀。則痧根既拔。其症漸痊。若不知治。綿延日久。痧毒益深。勢不可遏。當又有變症難愈矣。

### 治驗

一章道庵屢患吐血。發熱不涼。左半身疼痛不已。

行步艱難。延余診視。初不覺其爲痧也。細思脉症不合之處。檢其痧筋。刺之。用桃仁澤蘭獨活烏藥煎二劑。微溫服。吐血疼痛俱愈。永不復發。

一盛成年朝涼夜熱。氣急半年。服藥不應。反加右半身疼痛。不能俯仰。咳嗽吐痰。飲食減少。成勞弱不足之症。棹舟迎余。脉不見。弦數而微細。時有微指。脉症不合。閱其痧筋。刺二十餘針。用姜黃旋覆花丹參橘紅赤芍玄胡索澤蘭山查角刺穿山甲二劑。微溫服。疼痛吐痰俱除。後朝用六味地黃丸。

夕用補中益氣湯朝涼夜熱俱愈

內傷兼痧

人有內傷。詎無外感。外感之症。不獨風寒。卽夏月暑熱之氣。時疫傳染之氣。穢惡觸犯之氣。一受於身。亦如外感。然則內傷者本病。外感者標病。故傷寒集中。有內傷外感之症。此之集中。有內傷兼痧之症。治法主意。先辨痧症。治其標。後審內傷。治其本。

治驗

一曹洪字子之外戚。爭奪家產。涉訟公庭。有老婦

造其家。互相爭毆。發熱沉重。咳嗽吐痰。胸中脹悶。諸親戚惟恐斃於曹姓室中。延醫青來。王兄更邀余往視。青來幾不敢任。余憐憫此婦不治。人命重情。彼此俱敗。若一救之。不特活婦一命。亦且保全兩家。是亦大德。余爲診之。知其內傷兼痧症也。刺痧筋二十餘針。付寶花散微溫服之。脹悶稍鬆。爰定一方。卽於青來廂中取藥。用桃仁赤芍澤蘭玄胡索紅花陳皮烏藥獨活治其內傷。服後下黑糞。瘀血俱消。諸症俱愈。但其舊有不足之症。非參不

可後青來用參芪大補乃健而歸

紫痧

痧症不內攻則外潰。余於發蒙論中已略陳其概矣。無如痧症變異。更有難盡述者。卽若爲腫爲毒之外。又有發爲紫血痧者。此真痧之異者也。余故記之以例其餘。

治驗

一余隣許秀芝女。嫁爲養媳婦。手足下半身俱腫。大腹亦脹。發出兩腿足紫血痧。如圓眼大。密難數。

記皆云此爛瘋之症服藥益甚秀芝憐惜其女載  
與俱歸求余治視疱多可畏及見有痧筋發現於  
腿灣方知痧者猶樹之根。疱者猶樹之葉也。遂爲  
放痧三針。又刺指頭痧二十一針。盡去其毒血。復  
診其脈六部俱和。殆其痧毒之氣已散。但存肌表  
紫疱而已。用蘇木紅花澤蘭桃仁烏藥桔梗川芎  
牛膝二劑溫服。凡紫血疱盡收。膿結痂而愈。

痰喘氣急痧

先有痰喘氣急而痧脹。因之先治其痧。後治其痰氣。



無令痧爲本病之助。先有痧脹而痰喘氣急。因之但治其痧而痰喘氣急自愈。若痧有寒熱不清。痰喘氣急者。兼和解。痧有有熱無寒。痰喘氣急者。兼清熱。痧有食結不化。痰喘氣急者。兼消食順氣。痧有大便不通。小便不利。痰喘氣急者。急攻其裏。痧有痢下膿血。或赤或白。痰喘氣急者。急攻其積。痧有瘀血凝滯。小便利。大便黑。痰喘氣急者。急消其瘀。痧有嘔吐紫黑血。或鮮血。痰喘氣急者。當慮痧毒攻壞臟腑。不痛者可治。痛而不已者難治。服藥不應者。死。

治驗

一祖南軒四月發熱頭痛脹。四昏迷。痰喘氣急。延  
余六脉無根。余曰脉法六脉無根者死。若爲痧脹  
而然則有救。其家善放痧。因閱痧筋放之不愈。余  
用沉香鬱金散。圓紅散。稍冷服。又用化毒丹一服。  
昏迷卽醒。脹悶痰喘氣急俱平。更用防風散痧湯。  
加青皮連翹。山查。菖子。熟大黃一錢。服之。發熱頭  
痛俱已。六脉如舊。

一費道元內室痰喘氣急。脹悶不已。延余。左三部

脉浮緊而數。右三部脉如無。余曰。痧脹暗發也。其兄善放痧。刺乳下。出紫黑毒血。二針如注。六脉復舊。余用和脾宣化飲二服。稍冷飲之。痰喘氣急。脹悶俱痊。

一錢公肅子。二月晚間。痰喘氣急。發熱身重。腹中絞痛。延余。脉沉微。刮痧放痧不愈。用藿香湯稍冷服之。又用稜木湯加大黃五分。微溫服之。諸病俱痊。

痧瘋

瘋者。天地間厲氣所感。發而爲瘋。蓋惡毒之氣。滯於  
血肉。散於肌表。留於經絡。以成瘋症。最惡候也。若痧  
者。亦時行惡毒之氣。變爲大瘋。尚何疑乎。余昔在秦  
溪。嘗見一人。犯大麻瘋症。眉髮俱脫。面目頽敗。手足  
蹇。攣遇一老者。爲之放痧三次。曰。此痧瘋也。傳汝一  
方。金銀花六錢。黃芩一錢五分。皂角刺一錢。赤芍二  
錢。紅花二錢。牛膝三錢。苦參四錢。生地二錢。水煎日  
服。日漸而痊。若余於此症。固未嘗治。及不敢虛載。治  
驗。適余經見老者所治有然。故附錄之。以見痧症之

亦有是變焉。

### 痧重

痧症始發勢雖凶暴。未必身重。若飲熱湯熱酒。痧毒  
卽阻塞於經絡血肉之間。徧身重痛不能轉側。放痧  
之後。治宜消瘀解毒爲先。初起易治。久則難治。放痧  
服藥不效者。死。

### 治驗

一邵光先十二月。腹中微痛。嘔穢酸水。以爲胸中  
受寒。服薑湯一碗。徧身大痛。腹脹身重不能轉側。

迎余右脉俱伏。放痧。川當歸枳殼湯稍冷飲之。又用桃仁紅花湯微溫服。次日痧毒之氣漸減。又放痧服如前藥而愈。

一莫乘雲次子頭痛發熱。胸中脹悶。飲熱湯一碗。徧身疼痛不能轉側。臥床不起。服他藥益昏沉。延余右寸氣口脉虛。左寸微細。關洪緊有力。知其痧也。刺指頭出毒血九針。少愈。用消痧活血解毒藥三劑而痊。

眼目痧

痧者火毒也。若犯痧症。適與心主之火相合。故痧毒逆衝。最要防攻心之患。今少陰心君不受邪。逆犯厥陰肝母。故兩目紅腫如桃。甚則眼珠突出。最爲凶險。然他症患目。惟在於目。若因痧爲患。必然先覺心中煩悶。而目疾因之。苟不知蚤治。則痧毒已叅陽位。其火勢之炎熱。輕則壞目。重則殞命。治宜先刺顛頂百會穴。以洩毒氣。當放者放。刮者刮。用清火活血順氣之劑。加牛膝石斛以引火歸原。誠爲良法。

治驗

一江道誠患心中煩熱頭眩。忽兩目紅腫大痛。飲  
熱茶熱酒。眼珠掛出。左目尤甚。至晚昏沉。遂暈  
延。余診視。左脈微細無根。痧毒之爲害也。放痧不  
愈。用金銀花。茜草。連翹。黑山梔。枳殼。丹皮。赤芍。牛  
膝。石斛。草決明。加童便。微冷飲之。眼珠始收。調理  
而愈。

### 癰症

寒氣鬱伏於肌膚血肉之間。至春而發。變爲癰症。是  
名癰痧。又暑熱傷感。凝滯於肌膚血肉之中。至秋而



發亦名瘟痧。但春瘟痧毒受病者少。不相傳染。時或有之。秋瘟痧毒受病者多。老幼相傳。甚至一家數人。犯痧或一方數人犯痧。其發也必惡寒發熱。或腹痛。或不腹痛。似瘧非瘧。或氣急發喘。頭面腫脹。胸腹飽悶。或變下痢膿血。輕者牽連歲月。重者危急。一時治宜放痧消食積爲主。俟痧毒已洩。然後和解清理。除其寒熱。健脾養血。補其中虛。

治驗

一洪公震九月惡寒發熱吐痰咳嗽胸中煩悶口

渴舌胎。延余診之。左脈時有欲指。右脈沉而有力。刺痧筋。毒血不流。後臥床不醒。益覺沉重。此誤飲熱湯爲害也。用陰陽水一碗。加明礬二分。飲之。又用消食去積之藥。加熟大黃一錢。微冷飲之。少愈。次日痧筋復現。刺臂灣一針。十指二十二針。去毒血。用活血解毒藥。諸症漸鬆。調理而痊。

一公震內室。同時惡寒發熱。頭面腫脹。心胸煩悶。似大頭瘟。診之。六脈俱伏。此瘟痧也。放痧不愈。先飲微冷礬湯。次用透窠消毒下氣之劑。加牛膝三

癩用三卷三  
錢同煎。微冷飲之。二服全愈。

一公震。次子十月。寒熱如瘧。心腹絞痛。吐瀉不已。六脈沉緊。亦癩痧爲害也。用沉香阿魏丸。清茶微冷下。併和脾宣化飲。入大黃一錢。同煎。微冷飲之。次日再服。如前而愈。

頭眩偏痛痧

痧氣慢者。上升於三陽頭面。常覺頭眩。內熱。或半邊頭痛。心煩不安。宜刮痧。不愈。用清涼之劑治之。

治驗

一鍾仲宣數數頭眩。日漸益甚。或時右偏頭痛。脉症不合。刮痧不藥而痊。

一潘尚峰苦頭眩。或左偏頭痛。服他藥不應。延余脉微。與症不合。放痧不愈。用清熱下氣之劑而痊。

### 流火流痰痧

痧毒傳變。不待時日。朝發於足。而足腫痛。夕流於手。而手腫痛。朝發於肌膚。而肌膚紅腫。夕入於裏。而痰喘不休。此等之痧。乍隱乍現。乍來乍去。按之脉而痧脉或不現。最難識認。如痧毒所流及之處。熱者似流。

五月三日  
火而非流火腫者似流痰而非流痰或痛極難忍或  
痒痛不已又痧之變者也欲知此痧須看病勢凶暴  
不比流痰流火之輕緩者驗之於痧筋發現刺之無  
疑然後憑脈所犯風寒暑濕及食積痰血氣阻分治  
之斯能有效如或不覺便成死症

治驗

一張宏原內室日間左足小腿紅腫大痛暮即腹  
痛而足痛止次日左足小腿又復紅腫大痛而腹  
痛又止來去不常痛無一定延余診之六脈如常

而微數。此平人之脈也。難據爲癰。但症異。凶暴須看痧筋發現。便有實據。可從痧而理也。扶看腿灣有青筋三條刺之。紫黑毒血流出甚多。反加痰喘。此放痧有未盡故也。用荊芥金銀花湯加土貝母二錢微冷服。二劑少愈。次日左足腿灣下又現痧筋一條。刺去毒血。併刺巔頂一針。服前湯加牛膝三錢。二劑痧退。服紅花湯半片。腫痛俱痊。一葛隆生次子。清晨臂上紅腫大痛。次日變爲足腿。上紅腫大痛。乍來乍去。隆生以爲流火。使然延。

余診其脉厥厥動搖數而又疾。余曰脉異於常而症多變。殆其痧與不信。服熱湯二日而殂。

一奚敬峰晚間右大腿紅腫痛方已。喉旁發腫而痛。延余脉不見異。初不覺其爲痧也。只見時症犯此者多。細看兩臂痧筋刺出毒血如注。診氣口脉洪實。用紫朴湯倍山查。荀子加大黃一錢。微冷飲之。食消便下而安。

咳嗽嘔噦痧

痧毒之氣上凌肺金。故氣逆發哈而咳嗽。痰涎上湧。

或嘔噦惡心。或面目浮腫。或心胸煩悶。此熱毒入於氣分。痧筋往往不現。治以刮痧爲主。間有入於血分者。必有痧筋。然後刺之。臨症用藥。宜理痧毒爲主。若以傷風咳嗽治之。則悞矣。

### 治驗

一俞仲嘉長女。五月發熱咳嗽。嘔吐痰涎。胸中脹悶。面目浮腫。延他醫。服傷風痰嗽之藥。四劑。心中益脹悶。遂止不藥。將及一月。余偶過。求余診之。右寸脈虛。知其爲痧之變症也。刮痧訖。用防風散痧。



湯加貝母薄荷童便微冷飲之即痊

一王惟誠咳嗽發哈不絕。瘰癧面目俱腫。嘔痰不已。更吐鮮血。延余治之。六脈弦緊且數。此痧毒之氣搏激於筋脉間。故見脈乃爾。刺指頭出毒血三針。令多爲刮痧。用寶花散加童便微冷服。又用圓紅散微溫服而痊。